



Cov Zej Zog Muaj Kev Noj Qab Nyob Zoo

Teeb meem

Cov kev txiav txim kev siv av hnuv no muaj feem uas yuav tau ua los ntawm kev tsim kho kev lag luam. Qhov tshwm sim tawm los yog cov nroog thiab cov koog zej zog uas tau pab cuam tshem tawm cov zej zog uas tau teeb tsa txhawm rau sib pauv kev tsim kho ntxiv. Cov Neeg Dub, Cov Neeg Ib Txwm Nyob Teb Chaws no, cov neeg uas tsis yog neeg tawv dawb thiab Neeg Mes Kas Is Dias/Neeg As Lav Xab Kas Ib Txwm (BIPOC-AI/AN) xav ua ib feem ntawm kev txiav txim kev tawm phiaj xwm kev siv av thiab cov kev txiav txim kem av uas muaj feem cuam tshuam tsis zoo rau lawv cov zej zog.

Kev tuaj yeem nkag mus si tau cov chaw ua kom muaj kev noj qab nyob zoo uas cov neeg hauv lub zej zog hnov tau tias muaj kev nyab xeeb thiab tau txais kev pab txhawb yog qhov kev muaj cai ntawm txhua tus neeg uas nyob rau hauv Oregon. Healthier Together Oregon (HTO) xav kom cov zej zog uas muaj vaj huam sib luag muaj cov hww tsam kev ua hauj lwm, kev tuaj yeem nkag mus kawm tau tej chaw kawm qib siab zog thiab cov nqi siv rau kev noj nyob rau txhua tus. Thawj cov xyoo uas muaj kab mob COVID-19 sib kis loj tau ua rau pom txog lub zog loj ntawm kev ua kom lub zej zog rov zoo li qub. HTO nrhiav kev pab txhawb cov zej zog txhawm rau txhawb nqa thiab tsim kev ruaj khov rau qhov kev ua kom rov zoo li qub yam tsis tu ncuu no.

Cov kev daws teeb meem

Cov tswv yim los txhim kho thiab tsim huab cua ib puag ncig, kev ua kom zej tsoom rov zoo li qub thiab kev tsim kho lag luam muaj xws li:

- Tsim kev ruaj khov rau kev tsim kho lag luam, kev ua hauj lwm thiab kev loj hlob

ntawm cov lag luam me nyob rau hauv cov zej zog uas tu ncuu kev pab cuam

- Lub chaw hauj lwm ntawm cov zej zog BIPOC-AI/AN nyob rau fab kev ua kev txiav txim siab hais txog kev tawm phiaj xwm siv av thiab kev kem av txhawm rau tsim cov koog zej zog kom muaj kev nyab xeeb zog, tuaj yeem nkag mus siv tau ntau ntxiv, tuaj yeem them taus thiab muaj kev noj qab nyob zoo

HTO nrhiav kev tsim ua kom zej tsoom rov zoo li qub nyob rau hauv cov zej zog nyob rau ntau txoj hauv kev:

- Kev daws teeb meem raws li cov kev xav tau ntawm cov tub txhais hlus los ntawm cov khoos kas saib raws zej zog, ib leeg rau ib leeg thiab kev cob qhia ntau phaum neeg
- Kev pab txhawb cov koom txoos xim lab pab thiab kab lig kev cai rau cov pej xeeb neeg tseem ceeb
- Kev sib txuas nrog lwm tus ntawm cov neeg uas muaj hnuv nyoog laus zog kom ntau ntxiv
- Kev tsim kho kev paub txog lub luag hauj lwm pov thaiv uas cov zej zog ua xws li kev muab cov kev pab txhawb fab zej tsoom, fab kab lig kev cai thiab tsev neeg

HTO los kuj pab txhawb cov tswv yim fab neeg ua hauj lwm uas tsim ua kom lag luam rov zoo li qub. Kev pab txhawb cov lag luam me tsim hauj lwm thiab kev muaj nyiaj plua nuj nyob rau hauv cov zej zog uas xav tau tshaj plaws. Kev ua kom muaj kev nkag tau rau cov khoos kas xyaum hauj lwm, cov khoos kas ua hauj lwm thiab kev kawm qib siab zog ntau ntxiv uas yuav tsoo tau kev tsis muaj vaj huam sib luag fab nyiaj khwv tau los nyob rau hauv cov zej zog uas raug feem cuam tshuam ntau tshaj plaws los ntawm kev ntxub ntxaug fab chaw kawm.



HTO: Lub Phiaj Xwm Kev Tsim Oregon Kom Zoo Zog

Healthier Together Oregon (HTO) yog lub cuab yeej uas pab tau zoo rau kev txhim kho kev muaj vaj huam sib luag rau txhua tus pej xeem neeg Oregon. Vim yog kab mob COVID-19 thiaj ua rau pom tseeb tias, tsis yog txhua leej muaj hwv tsam ib yam rau kev ua neej nyob uas muaj kev noj qab nyob zoo. Cov neeg uas tsis yog neeg tawv dawb, cov neeg uas muaj kev khwv tau nyiaj tsawg, cov neeg uas qhia tias yog LGBTQ+, cov neeg khiav nkag teb chaws thiab neeg thoj nam tawg rog, cov neeg uas xiam oob qhab thiab cov neeg uas nyob rau hauv cov cheeb tsam nyob tuaj ntug ntawm lub xeev uas ntsib teeb meem loj vim kev tsis muaj vaj huam sib luag ntawm kev tsim ua vaj tsev fab kev zej tsoom thiab lub cev ntaj ntsug uas muaj feem cuam tshuam tsis zoo rau kev noj qab haus huv.

Vim kev noj qab haus huv thiab kev noj qab nyob zoo nce rau ntau feem xyuam, HTO thiaj tau teeb ntau cov tswv yim uas, thaum hais txog thiab siv ua ke lawm, muaj feem txhim kho tau kev ua neej ntawm txhua leej neeg uas nyob ntawm no.





HTO yog npaj los qhia Cov Phiaj Xwm Kev Txhim Kho Kev Noj Qab Haus Huv Ntawm Zej Zog ib yam li cov chaw sawv cev thiab cov koom haum, cov khoos kas thiab cov kev nqis peev uas muab saib ua qhov tseem

ceeb. Nws nrhiav ntau cov khub los ntawm ntau fab hauj lwm uas sib txawv uas muaj kev cog lus sib koom ua kom tau li cov hom phiaj no. Cov fab hauj lwm no suav nrog kev saib xyuas kev noj qab haus huv, cov nom tswv uas tau xaiv tsa, cov tswv hauj lwm, koom haum pab nyiaj txiag, fab kev ua hauj lwm thauj mus los, kev siv av thiab kev tawm phiaj xwm, xeev, pab pawg neeg thiab chaw saib xyuas zej tsoom li kev noj qab haus huv hauv zos, kev ncaj ncees fab kev cai lij choj thiab chaw yuam siv kev cai lij choj, cov koom haum hauv zej zog, cov koom haum kev ntseeg, cov kws muab kev pab cuam fab chaw nyob thiab tib neeg thiab fab kev kawm.



Koom Nrog Peb

HTO tab tom nrhiav kev sib txuas nrog rau lwm tus uas tau cog lus yuav los tsim kho kev muaj vaj huam sib luag nyob rau hauv Oregon. Rau ntaub ntawv kev paub ntxiv los sis txuas lus rau peb:

 <p>VEV XIAB healthiertogetheroregon.org</p>	 <p>EMAIL publichealth.policy@state.or.us</p>
 <p>DHAU LOS UA TUS KHUBV healthiertogetheroregon.org/ potential-partner</p>	 <p>YOUTUBE bit.ly/3jvkuAE</p>